

DISSERTATIO ACADEMICA

*ANIMADVERSIONES QVASDAM DE
CHRESTOMATHIIS LEXICISQVE
SCHOLASTICIS RITE INSTITUENDIS
ET ADHIBENDIS EXHIBENS,*

QVAM

CONS. AMPL. FACULT. PHILOS. ACAD. ABOËNS.

PRO

MUNERIBUS SCHOLARUM INFERIORUM
SUPERIORIBUS OBTINENDIS
PUBLICO EXAMINI SUBJICIT

*JOHANNES ÆJMELÆUS,
Pbil. Mag. et Coll. Sup. Schol. Triv. Wafeæ*

RESPONDENTE

*NICOLAO KYNZELL,
Ostrobothnienſi.*

In Aud. Mathem. die xv Nov. MDCCCXL.

H. A. M. S.

ABOÆ, Typis FRENCKELLIANIS.



§. 1.

Proverbium istud vulgatissimum: *aliter viri aliter pueri legunt Cornelium*, pari jure etiam in ceteros plerosque auctores latinos, superioribus scholarum trivialium classiosus reservatos, transferri potest. Viri enim thesaurios hosce vetustatis pretiosissimos summo sui emolumento et voluptate pertractant, pueri linguae tantum discendæ caussa leviter attin-gunt, internum eorum usum multiplicem fere omnino ignorantes. Nemo quidem, qui auctores classicos, a se adolescentे lectitatos, maturiori ætate relegit, inficias puto ibit, se virum longe alias in iis res reperiisse, quam quas adolecents animadverterat. Attribuendus vero est tardus ille in linguis antiquis progressus, cuius juventus patriæ scholastica haud immerito quidem arguitur, non totus inertiae docentium vel discentium, sed quam maxime ineptis chrestomathiis lexicisque, quæ linguae diligendæ caussa adolescentibus traduntur. Animadversiones quasdam de chrestomathiis lexicisque his scholasticis rite instituendis et adhibendis in hac dissertatione exhibere constituimus, Benevolum Lectorem prius rogantes, velit nostras expendere rationes et de eis sua judicare æquani-mitate; res enim agitur non solum scholarum inferiorum vel rei litterariæ sed etiam universæ civitatis.

§. 2.

§. 2.

Tirones scholis inferioribus adscripti, ætate ea, qva auspicia studii latini prima incipiunt, cognitione rerum illarum, qvæ affectiones adulteriorum commovere solent, nimis adhuc vacui sunt, ideis abstractis nimis pauperes, qvam ut chrestomathias sibi traditas vulgo abstractiores et captui fere maturorum tantum accommodatas latis bene percipere et ad amare possint; quo sit, ut fallam s̄pē et inanem vocibus, in chrestomathis hisce obvenientibus, notionem conjungere discant; qvem morem semel contractum vix maturiori quidem ætate deponunt. Conati quidem sunt nonnulli recentiorum, qui chrestomathias elementares confecerunt vitium hoc eo tollere, qvod narratiunculas pueriles, ex diversis diverorum auctorum veterum operibus congregatas, tironibus legendas tradiderunt; sed neque hoc adminiculo desideriis horum omnibus satisfecerunt. Voces enim et phrases harum narrationum, antiquos ritus mores rationes et opiniones præjudicatas nostratibus alienissimas respicientes, progreßum tironum valde retardent necesse est, qvippe qvæ lectores reqvirant cognitione rerum antiquarum jam aliquantum imbutos. Qvum vero civitatis universæ non minus qvam rei litterariorum maxime intersit, ut juventus studiosa statim post litteras latinas arreptas rectæ vocum perceptioni advescat, optandum foret, ut ludimagister aliquis domesticus, sermonis latii scribendi et ætatis primæ instruendæ pariter callens, juventuti patriæ cursum latinum ingredienti succurreret, atqve chrestomathiam nobis daret latinam, domesticas tantum et tales res vocesqve continentem, que affectiōnibus et ideis puerorum familiarissimis respondentes, facilem lui perceptionem admitterent; quo tirones necessitate res abstractias sibique alienas legendi demum soluti, adolescentes jam discernere advescerent, ad sonis vocum oblatis fixam conjungant notionem nec ne, an rem lectam percipiant nec ne.

§. 5.

Sed non res tantum et voces quæque singulæ in chrestomathiam hanc acceptæ ad captum tironum accommodatæ erant, sed etiam idiotismi. Ex nimis locutiones præsertim in initio hujus chrestomathiae solæ elegantur, quæ totidem verbis in lingvam tironum vernacula transfigurari possint. Hac enim cautione neglecta, pueri, si locutiones latinas a vernacula sua recedentes ad verbum exprimunt, sensum nec sibi nec cuiquam alii intelligibilem extorquent; si vero verba textus ex interpretatione magistri viva recte vertant, causam cur illa modo hoc præpostero effrant ignorant, atque ab initio jam cursus latini sui inconsequenter in vertendis auctoribus classicis versari discunt.

§. 4.

Qvum repetitio omnis frequentior ad imaginem rerum repetitarum menti eo altius infigendam quam maxime sit idonea, conscriptores chrestomathiarum quidam veteriores, prudentissimo quidem confilio, voces quasque textui semel inductas paulo inferius in sententiis aliis insertas aliquoties recipiunt, quo vel tardissimi alumnorum voces easdem saepē repetitas in memoriam tandem redigant. Quem morem ab aliis saepē collaudatum, non denuo commemorarem, nisi a recentioribus quibusdam confectionibus chrestomathiarum neglectum comperiisse.

§. 5.

Observationes paragraphorum duorum proxime præcedentium si, ut puto, ratæ habentur, rationes, quibus ineptitudinem chrestomathiarum, ex dispersis auctorum veterum narratiunculis constatarum supra efficimus, jam novis argumentis confirmare possumus. Primo quidem narratiunculae, ex auctoribus classicis, idiotismos latinos nullibi non continentibus, suntæ, fontem suum quovis fere versiculo redolebunt, atque pueros,

pueros, interpretationis textus veræ incertos, identidem confundent. Deinde qvam difficilis sit collectio locorum classificorum huc illuc disperforum, easdem voces in sententiis aliis continentium, memoriae tardiorum tironum sublevandæ cauſa chrestomathiaæ conſectori fufcienda, qvisqvis huic rei animum attentum præhens facile videbit.

§. 6.

Res vero et materiæ, huic chrestomathiaæ scholarium latinarum elementari illatæ, utile dulci ita mixtum exhibeant, ut pueri candore virtutis et svavitate ante jam abripiantur, qvam vitiolitas eorum naturalis imperium sibi violentius vindicare incipiat. Narratiunculæ, qvæ in chrestomathia hac adhibentur, vere vel fictæ, familiarissimas vitæ communis res eventusqve describentes, patronæ virtutis irrisæ castigatrices vero vitii insultantis nunqvam noti agent: bona cauſa ad postremum ſemper vincet, mala autem succumbet. Nec fabulas simplices, puerorū mentes exemplis animalium emendantes, chrestomathiaæ huic ingerere dubitaverim. Ne vero animus puerorum natura sua hilariſ, feriis gravibusqve rebus identidem repetitis, defatigetur, atqve chrestomathiaæ legendæ deum tædefeat, eventus læti, iisque uſum moralem velindifferentes ſiui movendo idonei, feriis narrationibus alternatim interponendi et inferendi ſunt. Debet denique chrestomathia hæc animum tironis tam strenue ferire, ut eam lingua ipsius vernacula exarata, non niſi ad finem uno qvasi impetu perfectam e manibus dimittere velit.

§. 7.

A re præſenti alienum non videtur pauca etiam de natura Iexici chrestomathiaæ huic subjungendi commonere. Laborem, nempe puto non parum levatum iri et docentium et diſcentium,

scientium, si vocabularium peculiare vocum omnium in chrestomathia adhibita obvenientium pueris ante hanc incepitam ediscendum tradatur, non quidem alphabeticum, sed quod voces chrestomathiæ universas pro ordine carum etymologico capitulatim recensent, ita dispositas, ut universæ ad eandem orationis partem vel paradigmata pertinentes ad idem capitulum referantur. Methodus voces hoc ordine disponendi id quidem haberet incommoditatis, ut voces primo chrestomathiæ textui insertæ ad finem vocabularii sœpe rejiciendæ essent, quo facto discipulus vocabularium integrum perlegere necesse haberet, anteqvam chrestomathiæ vertendæ admissus, fructum laboris sui animadverteret. Sed incommodo huic ita obviam iri posset, ut vocabularia hujusmodi singula singularum chrestomathiæ lectionum majorum conficerentur itidem etymologica, alternatim cum sectionibus chrestomathiæ parallelis legenda. Illo ipso vero tempore, quo sectioni chrestomathiæ cuique descendæ occuparentur tirones, vocabularium sectionis proxime sequentis integrum horulis aliis paulatim ediscendum esset, ante quam sectio hæc ipsa vertenda susciperetur. Tiro chrestomathiam et vocabularia hujus singula per vices hujuscemodi alternas lectitans, nullas unqvam in chrestomathia sua voces sibi incognitas offenderet, sed temporis reliqui satis ad analysin et etymologicam et syntacticam insituendam ceteraque similia observanda haberet. Proclivior præterea et alacrior ad lectionem vocabularii cujusqve memorialem aggrediendam perseqvendamqve redderetur, cum labore suum arduum post certos qvosqve dies vel hebdomades compensatum iri sciret, ut lucrum memoriae ipsius hac lectione memoriali emendate commemorare omittam. Etiam me non monente intelligitur, voces cuidam vocabulariorum præcedentium illatas, ex sequentibus, cum infra in textu chrestomathiæ repetantur, excludendas esse.

§ 8.

Videntur et pauca antequam e classe latinitatis infima egrediamur de tempore et methodo idiotismos chrestomathiae latinos interpretandi addenda esse. Idiotismi enim facilissimi quicunque, licet ab initio chrestomathiae tironum removeantur, in textum ejus inferiorem tamen inducendi sunt, quippe qui in auctoribus classicis, chrestomathiam hanc vulgo excipientibus, passim occurrentes, antea jam magnam partem tironibus familiares esse debent, quam hi illos in his auctoribus offendant. Pariter etiam idiomata chrestomathiae latina, formulis loquendi nostratim disparia, non tum demum primum interpretanda sunt, cum in textu sese tironibus legenda offerunt, sed ante jam ex thematibus, quae vocant latinis, cognoscenda. Non quidem nos fugit, multos tertioris latinitatis propugnatores spectatissimos, rationibus omnino gravissimis inducos, censuisse, hasce exercitationes usque eo differendas esse quoad alumni, auribus ut ajunt latinis lectione auctorum longa exercitatis, idiotismos linguam vernaculam redolentes cavere dicant. Existimaverim vero has ipsas exercitationes latinitati tertiori promovendae potius conducere quam officere, si, ut debent, cunctas per classes ad idiomata lingvarum vernaculæ et discendæ discrepantia conjungenda et intelligenda tantum peculiariter dirigantur. Sed ad propositum revertor. Praeceptor jam infimæ classi latini praefectus, idiotismos chrestomathiae huc universos attente lustratos in classes diducat diversas, eosque singulis singulis addicat stili romani exercitiis. Si qui difficilliores longiorum, quam quæ vice simplici praestari possit, exercitationem desiderant, iterum iterumque exercitationibus continua repetantur, quoad alumnis vel tardissimis demum intelligibiles siant. Ita autem moderandæ et ad progressionem discendentium in chrestomathia successivam accommodandæ sunt hæ exercitationes, ut idiotismos chrestomathiae intextis quasi præcurrant et præluceant. Tirunculus, luminibus hisce syntaxeos collustratus,

collustratus, errores itineris sui solitissimos facili negotio evitabit, animumque et vires nova itinera aggrediendi ex hac ipsa facilitate reportabit. Me licet tacente intelligitur, idiotismos chrestomathiae quosque, in textum thematum inductos, diverse quasi materiam habitu representandos esse, ita ut themata et chrestomathia diversas quæque res iis tractent locis, quibus iisdem idiotismis utuntur. Varietas materiarum semper novarum satietati tironum occurrat. Methodus autem, qua idiomata latina exponentur, vel (quod nobis idem est,) qua themata stili romani instituenda sunt, eo intendenda est, ut vocabula in textu thematis vernaculi obvia veris et genuinis vocibus latinis transferantur. Has vero pueri, si lexica sua vernaculo-latina sèpius ineptiora suo Marte consulant, fallas et vocibus vernaculæ vertendis incongruas freqventer offendent, a Lexicographo et suamet ipsius inscitia, ut sit, pariter seducti. Succurrat igitur alumnis laborantibus magister ipse beneficus, vicesque lexici vernaculo-latini pueris adempti suppleat. Suppeditet nempe themata schedulis in minusculis conscripta singula, eaque diversi quæque argumenti, singulis pueris vertenda, textum vernaculum in margine schedulæ cuiusque superiori continentia, inferiori vero vocabularium omnium utriusque lingvæ vocum in textu obvenientium. Triplex puto usus ex thematibus hoc modo institutis redundabit: primus, ut pueri ab initio cursus latini jam veras latinarum vocum notiones discant; secundus, ut præceptor themata sua desiderio chrestomathiae multiplici adaptare possit; tertius vero, nec is contemnendus, ut via omnis scripta sociorum vicinorum latina describendi pueris prioribus præcidatur; quod, si commune universis thema scribendum datur, vix magistro assidue adstante, plane impedietur. Methodum hanc vices lexici vernaculo-latini per vocabularia singula singulis singulorum tironum schedulis conscripta supplendi in tota quoque classe syntactica, quam vocant, retinendam esse censeo, propter necessitatem et docentis et discentium similem heic adhuc manentem.

manentem. Usus lexici vernaculo-latini ex methodo hac ad circulum scholæ superiorem usque differendus esset, (quod nobis quidem valde arrideret,) latino-vernaculi vero ad autores classicos repetendos nunquam non quibusvis tironibus interdicendus. Non vacat diutius in classe hac morari: ad ceteras jam ascendo.

§. 9.

Longam vero jam coram me conspicor auctorum elegantissimorum seriem per secula longinqua jam a scholaribus letitorum; mihi vero rationes tironum magis quam eruditorum respicienti, parum admodum solatii suppeditantium. Prædecessores nostri elegantissimos quoque autores præ vilioribus adamatos scholaribus terendos antiquitus tradiderunt, rationibus horum atque juribus sanctissimis neglectis. Hosce autores, scholis inferioribus semel obtrusos, nepotes proneptoresque eorum hodieque scholis ulterius injungere gestiunt. Jugum romanum, orbi jam olim excussum, nunc post fata redux, juvenæ lacertos nostratis misere torqvæt et lacerat. Qvætro te', pervicacem æsthetices latinitatisque cultioris propugnatorem, an adolescentis qvisq; fere sui juris tuos autores adultiorum tantum curas ærumnasque depingentes sibi præ leñibus innocentibusque nenii legendos eligeret, vel si illi, sermone ipsius vernaculo exarati, sine molestia et qviritatione longa patescerent. Sed pergamus ad singulos qvosque disqvrendos. Obfert sepe omnium primus considerandus Cornelius Nepos, scriptor aureæ ætatis elegantissimus. Habet vero id incommoditatis ille pariter ac ceteri plerique in scholis lectiati autores classici, qvod materiam, animum adolescentium non nimis commoventem, contineat. Bella cruenta populorum pueris indifferentium machinationes principum dolosæ atque invidiæ caussæ cuiusque bonæ vindicibus structæ et successu felici perpetratae summan efficiunt rerum ab illo descriptarum.

B

Exqviſi-

Exquisitiores præterea quæque vitarum ejus lectoribus adeo rudibus, ac quibus jam in scholis legendæ traduntur, maximam partem sunt imperceptæ. Quam vero ad auctorum materias veterum universaliter obsurdæcant lectores adolescentes ex digressione seqventi, a proposito non nimis remota, elucescere putamus. Continent nimurum auctores classici in scholis lectitati passim res obscenas et impias, rationesque civitati bene constitutæ pernicioсissimas, quæ nisi ab adolescentibus inobservatae obiter tantum legerentur, multum virus occulti ætati ipsorum maturiori recondenter. Capitale esse cœpit Romæ temporibus Augusti Cæsaris libros legere Ciceronis, ita ut nepotes quidem ipsius ex filia illos nisi occulte lectitare audenter. Dubitarent quidem hodieque puto principes prudentiores melioresque utrum permittere librorum Ciceronis et aliorum plororumque auctorum veterum scholis inferioribus, eadem et aliis etiam cautis inducti, nisi ex longa seculorum experientia ipsis constaret, adolescentes nimis leviter vulgo circa auctores classicos versari, quam ut aliquid veneni ex his imbibant. Si jam pueri nihil detrimenti animis suis ex operibus hisce paganis assidue contritis capiant, velim nobis concedatur, nec quicquam emolumenti æstheticæ. Sed filium nostrum recipiamus. Qvoniam igitur Cornelius Nepos non nisi lectistus sui maturioribus usum æstheticum, pueris quæsumum, præbet, nec perceptionem quidem sui expeditam semper nisi paulo provectionibus admittit; optime alumnis nostris consultum iri putaverim, si exquisitissimas faltem et difficillimas vias suas Nepos noster circulo nostratum superiori, quem vocant, reservet, reliquas vero, maximam istius partem constituentes, classi syntacticæ, ut loqui solent, illiusque tironibus maturioribus. Sed ad auctorem jam festino multo mihi ob rationes tironum gratiorem.

De singulari nobis felicitate gratulari convenit, qvod ad nostra usqve tempora pervenit Eutropii Breviarium Historiae Romanæ discipulis privatis qvidem magis quam publicis notum. Dictio Cornelii pura introitum huic in scholas nostras a generatione inde litteratum nova strenuissime præclusit. Multo pacatior et b'eatior scholaribus nostris fors ab his inde temporibus contigisset, multo propitiores magistri, si Eutropio vires Cornelii in scholis nostris exhibere toto hoc ævo licuissent. Habet vero Eutropius, lumina inter classica alias aliquantum inconspicuus, omnes fere chrestomathiaæ juvenilis laudes. Nullibi animadversiones subtiliores de caussis actores rerum primarios agitantibus sensum textus lectoribus obscurant radio-ribus: nullæ disquisitiones philosophicæ de nexus eventuum orbis universorum concatenato dictionem ipsius semper moderatam supra captum tironum hebetiorum extollunt: nusquam assurgit: semper humili reptit: semper denique pueris vel simplicissimis patet. Juvaret quidem alumnos nostrates tales auctorem præ Cornelio, pictore interdum ingeniorum humanorum acutissimo, legere, atque tantudem ac nunc Cornelium ardore petractare. Non vero simplicitas illi tantum conspicua primas auctori nostro vindicat chrestomathiaæ elementaris partes: accedit huic materiarum ab illo expositarum utilitas. Congessit vero uno in volumine res præcipuas populi romani ab exordio inde urbis ad occasum prene imperii occidentalis gestas, easque pro ratione temporum chronologica dispositas: optime in eo vel de senioribus meritus lectoribus, quos, res romanæ antea aliunde cognitas, multum quidem juvabit in tabula una contractas uno quasi conspectu revidere. Quantum vero auctor noster hac ipsa rerum romanarum recensione pueris ipsis, auctores romanos sequentes intellecturis, consuluerit, quisquis judicabit, qui noverit, quam necessaria ad auctores latinos intelligendos sit cognitio quædam præcursoria

serum imperii romani civilium. Poterunt præterea sub lectio-
ne textus progredienti mores et ritus populi romani pecularia-
res pro re nata prolixius voce magistri viva exponi, et ad
desideria auctorum seqventium accommodari. Cumulo quasi
his auctoris nostri laudibus chrestomathicis denique accedit
ingens vocabulorum, eorumque ſepe repetitorum copia. Nec
in compendio, univerſos fere orbis antiqui eventus maximos,
vulgo ſæpius ſibi invicem ſimiles, complectenti aliter fieri po-
tuit. Qvam vero idoneum vicibus chrestomathiae elementaris
ſupplendis etiam ob has fortuitas conditiores fit compendium
noſtrum cuique facile patebit, qui desideria adolescentium,
linguam qvandam ab initio dicere incipientium, perſpicit:
qvippe qvod et mentem alumnorum, vocibus linguae nuper
inchoatæ pauperem, copia ditat necessaria, et memoriam ad-
huc inexcultam paulatim commollit et meliorem in frugem
perducit. Non me multum morantur nævuli auctoris nostri
ſeqvius ævum prodentes, qvippe qvos lectio auctorum seqven-
tium eontinua atque exercitia ſtili romani rite instituta tem-
poris ſucceffu brevioris facile delebunt. His igitur tot tan-
tisqve rationibus confisi, Eutropium hunc chrestomathiae ado-
lescentium elementaris primæ proxime ſubjungere, atque tiro-
nibus classis syntacticæ rudioribus addicere, Cornelio ad alu-
mnos paulo proiectiores translato, non dubitamus. Non va-
cat mappulas commemorare geographicas chrestomathiae pue-
rorum claficæ prinæ adjungendas.

§. 11.

Auspicia studii græci prima hac in claſſe vulgo inchoari
ſolent: recte qvidem Mos noſtratibus est ſolemnis lingvam
latinam græca neglecta ſovere. Sermo latinus, renatis littor-
is, diu mercurius orbis eruditii ſolus exiitit, græcus vero
vel eruditissimus ſepe alienus; neque hoc ſine singulari littera-
rum jactura. Lingva enim græca diutius multo et latius im-
peritavit

peritavit quam latina, multo quoque plura classicæ dignitatis opera produxit, quorum major quam latinorum copia adhuc extat, ita ut fons elegantiorum præsertim litterarum uberrimus merito hodieque habeatur. Optandum igitur esset, ut sermo græcus ad dignitatem suam debitam tandem evectus, pari vel etiam majori quam latinus cura soveretur. Inuria vero hec græco sermōni a posteritate illata fecit, ut is etiam triviis in nostris non tanta ac latinus pietate colatur. Sortem vero latiorem græcis litteris exoptatam tamen usque eo proiectum iri nolumus, ut haec jam ante vel etiam simul cum latinis descendæ suscipiantur. Lingua græca enim, præter idiosyncrasias multos cum latina communes, alios sibi peculiares continet frequentissimos, quos facilius erit nostratibus, post idiosyncrasias jam permultos græcos ex similibus latinis cognitos, solos aggredi, quam universis descendis simul gravari. Qui vero, calus existet, si lingua græca ante latinam arripiatur. Sed dicendum est jam quicquid de chrestomathia græca tironum prima. Non vacat rationes repetere, quibus chrestomathias latinas, ex dispersis auctorum veterum fragminibus congestas, supra improbavimus. Chrestomathiam igitur similem et simili ratione adhibendam tironibus quoque litteris græcis initiandis tradere vellem. Sed non multum tamen illos removor, qui defectu chrestomathiæ elementaris melioris evangelium Lucæ adoptant; quamvis forsitan hoc facto parum mihi met ipsæ constans multis videar. Continet, mihi forte obstituit, evangelium hoc res et conciones parabolæ multis, quæ lectors litteris orientalibus rebusque gravioribus adultiorum familiares præsupponunt. Conjungunt porro linguae orientales antiquæ et occidentales hodiernæ vocibus et phrasibus iisdem freqüenter diversas notiones; quo facto tirones, qui adhuc non nisi suas rationes notionesque sibi proprias habent, adultiorum nedium orientalium valde dissimiles, sensu chrestomathiæ suæ vero deſtituentur, inconsiderateque in græcis auctoriis vertendis jam statim ab inicio verlari dilcent.

Rationes

Rationes has, univerle quidem rectas, quantum satis est suscipio, nec, si universam vel conspicuam quondam textus evangelici nostri partem ferirent, defererem. Nullus quidem auctor vetus vel classicus, pueris lingvam quondam discere incepituris, legendus traditus, cuncta tironum desideria exhaustit. Neque nostrum de numero hoc eximere ausim, quamvis laudes confectoris chrestomathiae quamplurimas cetera merito sibi vindicet. Si enim vel parabolas et conciones in textu ejus inseratas, vel eventus ab illo narratos respicias, utrosque tales fere puto reperias, quales captius adolescentium, sensibus maxime obtemperans, desiderat: illæ enim auditoribus plebejis, omni idearum abstractarum lumine destitutis, quondam relatae et habitæ, juventuti plebi simillimæ, non nimis arduam disquisitionem irjungent: hi autem nullius ætatis sensibus imperii, faciliorem adhuc sui perceptionem admittent. Accedit his apparatus miraculorum sublimis in scenam identidem productus, qui spectatores non suspensos esse nunquam finet. Cæcos hinc et furdos tactu mero sanatos, inde ventos uno verbo pacatos, hinc plura hominum esurientium millia aliquot panibus saturatos, inde ipsos quoque defunctos de sepulcris revocatos resuscitatosque videas, ut cetera miracula attentioni et delectationi adolescentium lusinendæ idonea omittam. Conferent præterea, quod quidem maxime omnium refert, conciones Servatoris et parabolæ, jucundissimæ, quæ ex cuiusquam mortatis ore unquam manarunt, ad voluntates optimas quasque mentibus tironum alte insigendas. Quæ vero notiones perverseæ, ex allusionibus orientalibus menti puerorum adhærebunt, tantum quidem non sunt, ut inconsiderantiam focordiamque universalem et insanabilem adserant, præfertim si magister accesserit gnatus, qui voces phralesque ad res orientales maxime alludentes interpretetur. Magis quidem idoneum ad vices chrestomathiae tironum græcæ princeps implendas extitisset evangeliū Johannis quam Lucæ ob copiam vocum repititarum majorē, nili dictio stili brevior sensusque sublimior illius obscuritatem

securitatem qvandam exhiberet. Qvæ de vocabulario chreſto-
mathiæ latinæ elementaris ſupra prolixius diſputavimus, etiam
heic obſervanda, repeterem nolumus, ſed pauca tantum de lin-
gva, qvam tirones in textu græco vertendo adhibebunt, ad-
dere. Solet nempe translatio hæc vulgo hodieqve in lingvam
latinam fieri, adjecta huic inſuper a qvibusdam ſimul lingva
tironis vernacula. Neutrum vero uobis arridet. Qvamdiu ti-
rones tam peregrini et hospites in lingva latina ſunt, ut co-
gitata ſua latine non niſt perverſigatione aſſidua lexiſi adhibita
interpretari valeant; darius omnino ipliſ in eo, me qvidem
juſtice, conſuli videtur, qvod uni linguae ipliſ diſcendæ al-
tera paullo qvidem noſtor ſimul addiſcenda ſuperingeratur.
Præſtat qvidem ſingula ſingulatim onera portare, qvam pluri-
bus ſimul impositis obrui. Diſcipulis afflictiſ ſuccurret magi-
ſter non officiet; moras ſua ſponte natas removebit, non ad-
ventitias objicit. Si pueri voces ſuas latinæ, falſis ſæpe, ut
ſit, notionibus injunctas, in lingva græca vertenda aliquando
adhibere neceſſe habeant, eadem haſce falſas notiones etiam
in græcas voces transferant neceſſe eſt; qvod quidem, ſublata
translatione latina, evitabitur. Sin autem lexiſon græcum et
latinæ et vernaculas voces juxta appositas contineat, res eo
tamen poſtremo redit, ut puer duas lingvas ſimul diſcere co-
gatur. Exiſtit præterea ex uſu vertendi græca in latinum,
incommodeſ aliu, non minus impediendum: ſi nimirum ve-
rum eſt, qvod multi cultioris latinitatis vindices affirmant, au-
res qvæſi latinæ delicatas, neqve loquendo nec ſcribendo,
(qvo eodem etiam interpretatio græcorum latina redit,) ſed
auctores classicos aſſidue legendo comparari; optime qvidem ti-
ronibus latinitatis conſultum iri putaverim, ſi a ſermone la-
tino instituendo arcerentur, qvoad idiotiſmos vernaculos cave-
re diſcerent. Comparata demum ea linguae latinæ peritia, ut
e cogitationes qvæqve ſubito et ex tempore latine exprimi po-
ſint, translatio vocum græcorum latina commodior qvam ver-
nacula evadet. Latina lingva enim magis qvam vernacula
græcam

græcam ad verbum comitatur. In vocabulario igitur evangelii nostri peculiari, voces tantum vernaculae græcis adjungendas esse putamus, exclusis exinde prorsus latinis.

§. 12.

Venio nunc ad auctores circuli superioris classicos, ut libros scilicet adolescentium elementares dijudicandos. Neque heic rationibus juventutis scholasticae melius a majoribus nostris consultum est: quin etiam pejus. Qvo quidem altius alumni nostrates in schola evehuntur, eo infirmiores ad onera nova sibi imposita sustinenda fiunt: Crescit indies quidem conitio ipsorum de rebus vitae communis familiarissimis, augescit paullatum penus idearum abstractarum; sed non satis pro necessitate illorum adactiori. Dissertationes enim philosophorum subtiliores abstractioresque prolixius digestæ, pueris in circulum hunc nuper evectis legendæ traduntur, captui eorum maximam partem imperviæ. Disquisitiones Ciceronis philosophicæ ex. gr. de honestatis cum utilitate pugna, vel quod eodem fere reddit, de puritate virtutis a recentioribus sub formulæ loquendi Ciceroni alienis denuo ventilata, nimis quidem sunt acutæ et subtile, quam ut a pueris percipi nedum adamarí possint. Disputationes pariter Ciceronis de honesti et decori conjunctione ad virtutem condiendam et integrum absolvendam necessaria obscuræ quidem et jejunæ admodum tironibus nostris plerisque, veritati rusticæ ab infantia inde affuetis, sint necesse est. Quid quæsto de paradoxis dicam, quæ compositionem vulgo magis ingeniosam et implicatam continent, quam ut lectori cuivis simplici et ingenuo patecant. Adiuvant vero vulgo pueri: lectione hac auctorum imperceptorum assidua inconsiderantiae et socordiæ tantæ, ut saepè quæstio nulla omnino de sensu sententiarum in mente eorum exoriatur. Diligentissimi quique textum quidem auctoris ex lexi et prælectoris interpretatione præter propter ad verbū

Cum recte transferunt, translationem vero suam nec intelligunt, nec se illam non intelligere animadvertisunt: noctambulationibus somniorum phantasia agitatis similes, qui passibus & que justis fere et dimensis ac vigilantes incedunt, tenebrarum vero et erroris sui hujus periculosisissimi prorsus inconsci. Frustra tentabit praecopor alumnos hoc modo eæcutientes ad intelligentiam auctoris elevare, carent enim iis ideis abstractis, quæ ad rem propositam intelligendam desiderantur. Libros igitur supra allatos Ciceronis pariter ac sublime stud et divinum pene somnum Scipionis & nostratibus quoque lexitatum, non dubitamus scholaribus nostris admere et maturioribus paulo lectoribus reservare. Non defuit nobis disputationes aliae itidem a Cicerone conjectæ adolescentibus multo intelligibiliores, quam quas rejecimus, quæ majori omnino adolescentium emolumento et delectatione adhiberi possent, si quis eas, in libris Ciceronis philosophicis dispersas, excerpere et in unum volumen colligere vellet. Collectiones quinetiam hujusmodi aliquot a Germanis conjectæ jam existunt, inter quas Chrestomathia illa Ciceroniana, quam Cel. Dom. Nöltig anno 1780 edidit, præfertim nominari meretur, quæ si in compendium redacta capitula quoque facillima tantum refineret, exelusis ceteris, multo majorem certe fructum lectoribus rudioribus, quam quæ nunc ipli obtruduntur prolixius digestæ disputationes, ederet. Multam quoque operam in orationibus Ciceronis legendis vulgo frustra consumunt alumni nostrates diligentiores, copia quidem vocabulorum ingenti memoriam ditantes, pulcritudinum stili omnium prorsus fere inconsci. Facilius vero alumni nostrates difficultatem intelligenti orationes quam officia Ciceronis superarent, quippe quæ non ut hæc defectui notionum abstractarum sed cognitionis rerum Romæ publicarum et forensium maxime debetur, si horulæ orationibus his legendis et interpretandis addictæ illustrationem allusionum satis prolixam et digestam admitterent. Qvod ad poëtas in scholis usitatos attinet, Virgilium puto

qvoque nimis allusionibus mythologicis esse refertum, qvam
 nt illustratio his dissolvendis necessaria spatio temporis huic
 rei addicto breviori qvidem absolvatur. Præceptores certe
 academicæ, poetæ huic illustrando vacantes, desideriis auditio-
 rum multo maturiorum satisfacturi, tantam adhibere prolixit-
 atem coguntur, ut vix duos Æneidos libros intervallo ver-
 tente percurrant. Qvo vero tirones numerum etiam in ser-
 mone soluto rotundiorem et magis sonorum observare et ge-
 nium lingvæ eo melius inspicere discant, poësin non omnaem
 illis adimi vellem. Libros vero Tristium Ovidii Nasonis,
 secundo solo excepto, multo facilius pectoribus adolescentium
 mollibus qvam carmina Maronis altifona pervios esse putave-
 rim. Magis qvidem adolescentes juvabit igenuos lacrimas mi-
 feriae dare humanæ perspectæ, qvam ad sonos vatum sublimes
 non perceptos obscurdescere. Hæc habui, qvæ de auctoribus
 classicis, scholis inferioribus inepto, me qvidem judice, consilio
 addictis, dicerem. Quemadmodum perceptio theorematum geo-
 metricorum nullibi vaga non in cognitione nuda horum ipso-
 rum theorematum subsistit, sed mentem præterea totam lumi-
 ne et ordine sibi semper constanti perfundit, etiamq; memoria-
 lis cognitione theorematum horum temporis successu excidat;
 ita cognitione etiam lingvarum peregrinarum intelligentia rerum
 lectorum conjuncta considerantiam et prudentiam universalem
 in tota vita nunquam non utilem gignit. Maxime igitur civi-
 tatis interest, ut ille ejus ordo, qvi ceteris lumine veritatis
 præluceat, adminicula veritatis inveniendæ illiusmodi civibus
 suis futuris suppeditet, qvæ ad hanc recta deducant: h. e. ta-
 les tantum libros elementares juventuti studiose lingvæ di-
 scandæ causa legendos tradat, qvi sensum sui nunquam non
 facilem admittant, omnemq; pueris viam fallis vel inanibus
 mentem suam obscurandi notionibus præcidant.

§. 13.

Novum Testamentum Græcum a principio usque ad finem, nullo libro omisso, in scholis nostris perlegi assulet. Nec, quod ad evangelia attinet, quicquam refragari velim, quippe quæ conjuncta, præter laudes evangelio Lucæ adjudicatas, copiam vocum freqenter repetitarum vel abudantiorum quam quæ queris opus est, continent; neque cum quatuor historici easdem sepe res et eventus, nonnunquam iisdem fere verbis commemorant, aliter fieri potuit. Acta Apostolorum et propter continuatam rei christianæ historiam et perspicuitatem stili vulgo clarissimam, evangelii his proxime subjungenda esse, existimamus. Multæ vero rationes existunt, cur epistolas, scholasticas ademtas, studiosis, sacerdotium in posterum inire destinantibus, reservatum iri velimus. Longiorem enim argumentorum continuorum seriem exhibent quædam epistolæ paulinæ, quam ut a pueris vulgo hebetioribus percipi possint. Quid? quod exegethæ sagacissimi, qui omnem ætatem suam in studio biblico consumserunt, nonnunquam inter se de sensu locorum obscuriorum in epistolis obvenientium dissentient. Loco vero harum epistolarum Odysseam Homeri tironibus circuli superioris maturioribus tradi velle, Argumentum enim fabulæ hujus, sensus juveniles nunquam non stimulans, tedium pueris atque inconsiderantiam, quam lectio abstractorum præmatura gignit funestam, facile cavebit.

§. 14.


Sed non' chrestomathiæ tantum lingvæ descendæ caussa pueris adhibendæ traditæ, verum etiam lexica inepta progressibus officiunt puerorum. Lexica, quæ verba quæque derivativa radicibus horum subjungunt commodioris quidem usus proiectioribus sunt, quam quæ derivativa a primitivis suis

seis divisa pro ordine alphabeticō exhibent; scholasticis vero origines vocum derivatum p̄imā s̄epe ignorantibus, admodum inutilia. Nemo n̄i expertus judicare poterit quantum moræ et impedimenti lexica h̄ec primitiva progressui scholiarium objiciunt. Qvo qvidem majori et molestiori vi imagines qvæque menti insiguntur, eo diutius ibi retinēntur: et versa vice. Qvæ vero jam vocabula, ex lexicis conq̄iſtatione ardua innotescunt, altius in mente qvam qvæ ex interpretatione p̄ælectoris viva discuntur, sublident. Pueri radicibus vocum derivatarum plurim fructu qværitandis semel affveti, tædio lexici sui tandem capiuntur, atq̄ve ad interpretationem p̄ælectoris vel ultra necessitatem s̄epe recurrent, repetitione propria nonnunquam aliquantisper neglecta; qvo facto vocabula ipsis facilis negotio cognita facile qvæque e memoria elabuntur. Qvæ vero incommoda, si lexica adhibere liceret derivativa, multo melius tollerentur. Continebit porro lexicon hoc derivativum non omnes totius lingvæ voces vel rarissimas, sed illas tantum p̄æter propter universas, qvæ in auctoribus et ceteris libris scholasticis obveniunt. Plus scilicet pagellæ supererit in lexico, methodo hac posteriori instituto, qvam in priori ad significationes illas verborum in lexicon hoc scholasticum relatorum peculiariter interpretandas, qvæ in auctoribus et libris scholasticis adhibentur. Voces latinas, a vocabulario classis syntacticæ græco supra abjudicatas, nec in lexicon græco-vernaculum, usui circuli superioris destinatum, recipi vellem; qvippe qvæ eandem fere etiam heic ac in classe syntactica incommunitatem afferunt, si simul cum vernaculis in textu græco vertendo adhibeantur.

§. 15.

Occultant denique intra se scholæ inferiores fontem quendam latinitatis impuræ uberrimum, naturæ plane singularis, ad

ad qvem, a conspectu publici nimis remotum, judices rei scholasticæ non satis animum attendunt: compendia puto theologica et philosophica, qvæ circulo nostratium superio i adicta sunt, latinitate admodum barbara confecta. Compendiis hisce legendis totid m fere annos juveniles tantumdemque laborem ac anctoribus classicis impendunt tirones nostri, largissima barbarismoru*m* copia memoriam ditantes. Dogmata theologica in compendio nostro vulgari recondita sanctissime veneramur, patriamque et lares pacatos illis deberi grato qvidem animo agnoscimus, latinitatem vero sordidam, qva eduntur, pueris vix cura diligentissima eximere valemus. Nihil obstat, qvominus orthodoxia sacro-fancta vel retentis denominationibus symbolicis latinitate terfa exhiberi possit. Duplilæ qvidem utilitatem ex compendiis hujusmodi vere latinis caperent adolescentes: cognitionem nempe et lingvæ latinæ terfioris et dogmatum sanctissimorum, vim suam saluberrimam in omni vita nunquam non exercentium. Accedit cumulo hisce compendiorum nostrorum vitiis, qvod nec ipfa melius qvam auctores classici in scholis usitati abstractiores ad captum juventutis accomodata sunt, neqve igitur magis qvam hi viam ad notiones vagas adolescentibus præcidant. Cum jam rubis tribulisque tam asperis cursus Icholarium classicus consitus sit, non admodum mirari nobis convenit, pueros, scholis publicis adscriptos tam lento gradu ad peritiam lingvarum antiquarum procedere.



RN. #. 6196